

MS FANTASIA (Anfang)

T. & M. D. Liauw

1. Teil: Vertreterinnen von MS Fantasia, Matrosen, Kapitän

1. Stimme: Nikki Young, Jada del Duca, Seraphina Gaal
2. Stimme: Louis Moser, Nicolas Graupner, Sofia Camisano

Sind willkomme an Bord, es goht scho bald los!
Eui Vorfreud isch sicher scho gross.
Händ er alli eui Passports und Tickets debii?
Die tüemer kontrolliere, denn schtiige mir ii.

MS Fantasia, so heisst euses Schiff,
es isch jedem scho lang en Begriff.
Und e s trotz allne Stürm, es teilt d Wälle mit sim Kiel,
es fahrt übers Wasser, es findt jedes Ziel.

2. Teil: Familie 1 (viel Gepäck)

Vater 1: Sarah Greuter

Chömed mached vorwärts, mir schtiiged jetz denn ii!
Händer nüt vergässe, isch de Kasimir debii?
Hämmer au das Büechli mit de vile guete Tipps,
was es uf me sone Dampfer alls z erläbe git.

Familie 1: Laila Berger, Ema Balinisteanu, Ruben Brönnimann

Ja s isch alles iipackt,
was's zum Läbe brucht.
Du hesch mit dem Packe
eus zwoi Wuche gschlucht.

Vater 1

Händ er au mis Mittel gäges Asthma mit eu gnoh,
uf die främde Pille cha mer sich jo nöd verloh.
Hämmer au für jede Tag en Quick Lunch im Gepäck,
und ohni Aromat isch s Ässe sowieso en Dräck.

Familie 1

Ja s isch alles iipackt,
was's zum Läbe brucht.
Du hesch mit dem Packe
eus zwoi Wuche gschlucht.

3. Teil: Beste Freundinnen (fast kein Gepäck)

Céline Gaillard

Nur no es paar Meter, und denn hämmers gschafft,
das Schiff, das bringt eus weg vo do, vorus mit voller Chraft,
mir bruched nume Luft und Liebi, das isch wunderbar
und de grossi Traum wird ändlich wahr.

1. Stimme: Maja Egloff, 2. Stimme: Céline Gaillard

Eifach alles hinter eus z loh, ohni Plan und ohni Ziel,
eifach nume z zwoit an Deck stoh, das isch doch s gröschte Gfühl.
mit em Blick uf d Linie, wo s Meer de Himmel küsst,
wo mer was ned wichtig isch vergisst.

Eifach nur de Alltag losloh, und Läbe im Momänt,
eifach sii und ned studiere, was mer alles wänd.
Stuune, wenn eim d Sonne no zum Abschied lislig winkt,
und drufabe rot im Meer versinkt.

4. Teil: Familie 2 (Vater fotografiert alles)

Vater 2: Lukas Greuter

(gesprochener Text zu Hintergrundmusik)

Mutter 2: Rubina Ruzzini

Es Fotobuech ersetzt d Erinnerige ned,
und im Nochber sind die Bilder doch egal.

Mutter 2, Tochter 2: Rubina Ruzzini, Nena König

Aber die Bilder wo mir do i euse Härze händ,
die sind ganz fescht für immer inebrännt.
Mir laded eu alli i, reised doch mit,
und stuuned mit eus was es alles so git.

MS FANTASIA (Ende)

T. & M. D. Liauw

1. und 2. Stimme: alle (gemäss Abmachung)

(Melodie wie 1. Teil)

Uf de MS Fantasia, sind mir uf de Reis,
und was niemer mit Sicherheit weiss,
isch wohi s eus am Ändi no ane verschloht,
mir wänd au gar ned wüsse, wohi ases goht.

Was mir alles erläbed, mir nehmed's wie's chunnt,
eusi Wält isch so farbig, so bunt.
Und du bruchsch do dezue nur e chli Fantasie,
paar tolli Idee, und scho bisch debii.

(Melodie wie Schluss vom 3. Teil, Achtung: letzter Ton!)

Eifach nume unterwägs si, vo dem Schiff dich leite loh,
eifach nur die Wälte gnüsse, wo do tüend entschtoh.
Gäge bösi Monschter kämpfe, Inselkönig sii,
und scho isch de nöchschi Tag verbi.

Eifach nume vorwärts fahre, undrem wiite Himmelszält.
Eifach nume a eus glaube, a die gränzelosi Wält,
wo i euse Chöpf sich uftuet, wie uf eme Bild,
uf Erläbnis simmir alli wild.

Eifach nume ufeluege, wo die Möwe flüge tüend,
eifach niemer loh diktiere, was mir mache müend.
Nume eusi Traum loh flüsse, all das Schöne gseh,
wo eus fasziniert uf hoher See.